


ՄԵՐ ՀՈՐԵԼՅԱՐՆԵՐԸ

ԱՐՇԱԿԻՐ ԱՐԳԱՐԻ ԲԱՐԱՅԱՆ

1973 թվականի փետրվարին լրացավ ականավոր ֆիտոպաթոլոգ, ՀՍՍՀ գիտության վաստակավոր գործիչ, գյուղատնտեսական գիտությունների դոկտոր, պրոֆեսոր ԱՐՇԱԿԻՐ ԱՐԳԱՐԻ ԲԱՐԱՅԱՆԻ ծննդյան 70 և գիտական գործունեության 45 ամյակը:



Երևանի պետական համալսարանի գյուղատնտեսական ֆակուլտետն ավարտելուց հետո Ա. Ա. Բարայանը, որպես լավագույն շրջանավարտ, 1925 թ. գործուղվում է Լենինգրադ կենդանաբանության և ֆիտոպաթոլոգիայի բարձրագույն դասընթացներ՝ ֆիտոպաթոլոգիայի գծով մասնագիտանալու: Լենինգրադում Ա. Ա. Բարայանը աշխատանքի է անցնում անվանի ֆիտոպաթոլոգ Ա. Ա. Յաշևսկու լաբորատորիան և ընդգրկվում է Միչին Ասիայի բամբակենու հիվանդությունների ուսումնասիրմանը նվիրված համամիութենական առաջին գիտարշավի աշխատանքում: Այստեղ նա հայտնաբերում է Ուլբեկստանում և Թուրքմենիայում բամբակենու վրա մինչ այդ չարձանագրված երկնագույն

ֆուզարիոզ, արմատային փտում, ինչպես նաև խաղողի միլդիու հիվանդությունները:

1929 թ. ապրիլին, Անդրբամբակկոմի հրավերով Ա. Ա. Բարայանն տեղափոխվում է Հայաստան և աշխատանքի անցնում նոր կազմակերպված Հայկական նախիջևանյան բամբակենու գիտահետազոտական կայանում որպես ֆիտոպաթոլոգ, իսկ քիչ անց դառնում է նրա գիրեկտորը:

1931—1933 թվականներին Ա. Ա. Բարայանը միաժամանակ ղեկավարում է բամբակենու Անդրկովկասյան գիտահետազոտական ինստիտուտի ֆիտոպաթոլոգիական աշխատանքները (Կիրովաբադ): Այդ ընթացքում նրան հաջողվում է լայն հետազոտական աշխատանքներ ծավալել բամբակենու վիրտուզոմոզ հիվանդությունների գծով, որով և հիմք է դնում Հայաստանում ֆիտոպաթոլոգիական ու միկոլոգիական գիտությունների զարգացմանը:

Ա. Ա. Բարայանը որպես բամբակենու հիվանդությունների լավագույն գիտակ ընդգրկվում է այդ կույտուրայի հիվանդությունների դեմ պայքարի միջոցառումների սխեմայի մշակման համամիութենական հանձնաժողովի աշխա-

տանքներում:

Խորագրիտակությունն ու արտակարգ աշխատասիրությունը Ա. Ա. Բաբայանին հնարավորություն են բնձնեկ նշված հարցերին զուգընթաց, գիտական գործունեության դեռ վաղ շրջանում գրադվելու նաև գյուղատնտեսական բազմաթիվ այլ կուլտուրաների հիվանդությունների ուսումնասիրությամբ:

Դ. Ն. Բաբայանի համահեղինակությամբ 1930 թվին լույս է տեսնում նրա «Նյութեր Հայաստանի միկրոֆլորայի վերաբերյալ» աշխատությունը:

Հայրենական մեծ պատերազմի տարիներին Նրևանի Մատենադարանում պահվող հինավուրց ձեռագրերը ենթարկվեցին բորբոսասնկերի կողմից փշացման վտանգին: Ա. Ա. Բաբայանը եռանդով ձեռնամուխ եղավ Մատենադարանին կից միկոլոգիական լաբորատորիայի կազմակերպման և նշած ձեռագրերի վարակազերծման ու վերականգնման աշխատանքների ղեկավարմանը:

1930—1957 թթ. Ա. Ա. Բաբայանը ղեկավարում է բամբակենու զոնալ կայանի, տեխնիկական կուլտուրաների ինստիտուտի բույսերի պաշտպանության բաժինը, որտեղ բացի ֆիտոպաթոլոգիական հետազոտություններից աշխատանքներ էին տարվում նաև միջատաբանության գծով:

Բույսերի պաշտպանության Հայկական գիտահետազոտական ինստիտուտի կազմակերպման օրվանից (1964) պրոֆեսոր Ա. Ա. Բաբայանը ղեկավարում է այդ ինստիտուտի ֆիտոպաթոլոգիայի բաժինը, ուր հետազոտվում են գյուղատնտեսական կուլտուրաների սնկային, բակտերիալ և վիրուսային բազմաթիվ հիվանդություններ: Նրա ղեկավարությամբ գիտական և գործնական կարևոր աշխատանքներ են տարվել, նվիրված ծխախոտի կեղծ և իսկական ալրացողներին, գազաթնային քլորոզ հիվանդությունների, դդմազգիների իսկական ալրացողի դեմ արդյունավետ ֆունգիցիդների - բացահայտման և արտադրության մեջ լայնորեն ներդնելու, կարտոֆիլի ֆիտոֆտորայի փտումների դեմ պայքարի միջոցառումների կատարելագործման, թիթեռնածաղկավոր բույսերի հիվանդությունների տեսակային կազմի, տարածվածության ու դրանց դեմ պայքարի համալիր միջոցառումների մշակմանը և այլ հարցերի:

Ներկայումս նրա ղեկավարությամբ ուսումնասիրվում են տեսական և գործնական կարևոր նշանակություն ունեցող այնպիսի խնդիրներ, ինչպիսիք են՝ հացազգիների ժանգերի ռասայական կազմի պարզաբանումը Հայաստանում, աշնանացան և գարնանացան ցորենների համաշխարհային հավաքածուի ֆիտոպաթոլոգիական գնահատումը, լոլիկի, խորդենու, կարտոֆիլի, դդմազգիների թառամումն ու վիրուսային հիվանդությունները:

Ա. Բաբայանի աշխատանքներում միշտ պատշաճ տեղ են գրավել կուլտուրական բույսերի իմունոլոգիայի և հիվանդությունների մասսայաբար հանդես գալու նախիմացման հարցերը: Նրա ղեկավարությամբ մշակվել է իազոդի վաղի միլդի ու հիվանդության հանդես գալու նախիմացի նոր մեթոդը, որը հիմք կառաջի այդ վտանգավոր հիվանդության դեմ պայքարի միջոցառումների կատարելագործմանը:

Նրա ղեկավարած բաժնում մշակած նյութերի հիման վրա 16 գիտական աշխատակիցներ և ասպիրանտներ ստացել են գիտության թեկնածուի աստիճան:

Ա. Ա. Բաբայանը դասավանդել է Նրևանի պետական համալսարանում, գյուղատնտեսական ինստիտուտում, կոմունիստական գյուղատնտեսական բարձրագույն դպրոցում, տեխնիկումներում և այլն:

Նա ծխախոտի կեղծ ալրաջողի դեմ պայքարի միջոցառումների համամիութենական հրահանգի հեղինակներից մեկն է:

Քաճառակենու գոմոզին նվիրված նրա մենագրությունը, որը լույս ընծայվեց 1963 թվականին, հեղինակի 30-ամյա գիտական պրպտումների արդյունք է: Այն բաժառակենու գոմոզի վերաբերյալ հայրենական և արտասահմանյան հետազոտությունների ու անձնական ուսումնասիրությունների առավել լրիվ և հաջող սինթեզն է:

Ա. Բաբայանը համահեղինակ և խմբագիրներից մեկն է հայերեն հրատարակված «Բույսերի պաշտպանության տեղեկագիրք», «Բույսերի պաշտպանության ձեռնարկ» ծավալուն գրքերի: Նրա գրչին են պատկանում գիտական և գիտահանրամատչելի 100-ից ավելի հոդվածներ ու աշխատություններ:

Վաստակաշատ գիտնականը ՍՍՀՄ Վ. Ի. Լենինի անվան գյուղատնտեսական գիտությունների ակադեմիայի բույսերի պաշտպանության բաժանմունքի, ՀՍՍՀ գյուղատնտեսության մինիստրության միացյալ գիտական խորհրդի, Սիբիրիական «Միկոլոգիա և ֆիտոպաթոլոգիա» ամսագրի խմբագրական կոլեգիայի, բույսերի պաշտպանության գիտահետազոտական աշխատանքների կոորդինացման Անդրկովկասյան խորհրդի, Սորտափորձարկման ՀՍՍՀ պետական հանձնաժողովի, ՀՍՍՀ ԳԱ կենսաբանական բաժանմունքի միացյալ, Հայկական գյուղատնտեսական ինստիտուտի և Նրևանի պետական համալսարանի գիտական աստիճան շնորհող խորհուրդների անդամ է:

Օրկարամյա բեղմնավոր և անբասիր աշխատանքի համար Ա. Ա. Բաբայանը պարգևատրվել է «Պատվո նշան» շքանշանով, «Հայրենական պատերազմի տարիներին անբասիր աշխատանքի համար» մեդալով և «Գյուղատնտեսության առաջավոր» նշանով:

Ցանկանք բաղմնավաստակ գիտնականին երկար տարիների քաջաոգոջություն ու ստեղծագործական նորանոր հաջողություններ պիտույան աչն բնագավառում, որին նվիրվել է առանց մնացորդի: